

重修棗陽縣志卷之十四

古蹟 陵墓 坊表 寺觀 方外附

蔡陽故城 在縣西南六十里今名蔡陽舖其地有白馬廟
即當日城隍祠

春陵故城 在縣東南四十里王莽時善望氣者蘇伯阿使
至南陽遙望光武所居春陵郭喏曰氣佳哉鬱鬱葱葱然即
此也

清潭縣故城 在治南九十里今為清潭鎮古城隍廟猶存
釜亭 續漢書王莽時諸劉抑廢為郡縣所侵蔡陽釜亭侯

重修棗陽縣志

卷之十四

古蹟

長醉辱更始父子張子張怒刺殺亭長後十餘歲亭長子報
殺更始弟騫劉賜兄顯欲為報怨賓客轉劫人發覺州郡殺
顯獄中賜與顯子信結客陳政等燔燒殺亭長妻子四人釜
亭當在縣境內今無可考矣

白水村 在縣南四十里故蔡陽之白水鄉也

光武舊宅 在縣東南四十里宅南二里有白水焉即張衡
所謂龍飛白水也水經注白水北有白水陂其陽有光武故
宅基址存焉

臥牛臺 在縣境相傳光武起兵時嘗騎牛憩息於此故名

古城 在縣南十里傳爲光武屯兵處

唐子鄉 在唐子山側見後漢書光武本紀及齊武王纘泗水王歙壽張侯樊宏等傳

唐子陂 一名松子陂今名蓮花堰在唐子山南廣澗數里水潦盛時汪洋浩蕩波涵千頃蓮芡蒲葦一望無際鳧雁鷗鷺鴛鴦之屬翱翔其間爲邑北勝境按習鑿齒襄陽耆舊傳蔡陽有松子亭下有神陂中多魚人捕之不可得張衡南都賦云松子神陂赤靈解角是但言松子陂不言唐子陂也水經注唐子陂在唐子山西南漢光武自新野屠唐子鄉殺湖

重修棗陽縣志

卷之十四

古蹟

二

陽尉於是地陂水深光武以爲神淵是但言唐子陂不言松子陂也然松子稱神陂而唐子陂亦有神淵之號則是唐子陂卽松子陂今唐子山下諸陂惟蓮花堰最大則是蓮花堰卽唐子陂矣

松子亭 一名唐子亭在唐子山西南今廢

宜秋 在縣北六十里今名寺莊漢劉伯升見下江兵處唐尉遲恭奉勅建般若寺金於此設副巡檢司按宜秋聚名後漢書志以爲在平氏縣劉伯升傳注以爲在泚陽縣王常傳注以爲在南郡議論紛紛未有定所舊志以爲在寺莊不知

何據然觀王常傳常等破荊州牧兵於上唐遂北至宜秋與漢兵合從漢兵是時在棘陽由上唐之棘陽勢不能不假道於寺莊以地攻之則寺莊卽宜秋又金史章宗本紀泰和五年八月戊戌宋兵三百攻比陽寺莊副巡檢司阿里根寺家奴死之按寺莊在當時乃宋金二國交界處故於此設副巡檢焉

襄鄉縣故城 在治東沙河南岸水經注澧水逕襄鄉縣故城北是也

仙人曬築臺 在大阜山相傳陰長生採藥此山時於盤石重修襄陽縣志

卷之十四

古蹟

三

上曬之又有洗藥池
鼓玉穴 在縣東北山中南都賦中黃鼓玉注引博物志云欲得好鼓玉用合漿於襄鄉縣舊穴中鑿取大者如魁斗小者如鷄子

琉璃井 在縣東劉昇店周遭無贅痕似巨石鑿成者石色紺黃其水清泚以石投之盤旋而下鏗鏗有聲

習洞 在縣南青峯山下岸石谿豁如屋晉習鑿齒寓襄陽嘗往來其地

蔡陽館 在蔡陽故城中唐孟浩然有詩舊志訛作夕陽館

今據孟集正之

廣昌館 在縣北古廣昌縣地唐韓愈有詩

義井 在縣河側宋米芾有詩

磨子坪 在縣東北四十里宋劉世興敗金將完顏賽不

兵十萬於此

石渠寨 今名石匠巷在唐子山北金紇石烈鶴壽攻棗陽

奪宋石渠寨卽此土人往往得折戟斷鏃

土城 在縣旁不知何時築址存

臥虎冲 在縣北三里許元胡烈婦刺虎救夫於此

重修棗陽縣志

卷之十四

古蹟

四

夕陽館 在邑城東知縣王應辰建因孟浩然夕次蔡陽館詩題傳寫者脫二字遂訛爲夕陽館應辰求其處而不得因建之於城東今已久廢

濯纓亭 在邑東里許滄浪書院側

無量臺 縣南三十里臺殿皆以磚石爲之不用寸木因名

又名飛雲臺每歲春月士女競遊其地

地藏臺 在報恩寺內高丈餘臺後草木青葱爲邑內壯觀

神馬陂 在城南馬陂里宋開禧二年金人犯神馬陂卽此

陵墓

章陵 在春陵故城旁相傳明中葉尙存大塚知縣某刻石誌之今墓與碑皆不可考

舊志以章陵爲春陵節侯買墓按後漢書宗室四王傳建武二年以皇祖皇考墓爲昌陵置陵令守視後改爲章陵十八年詔零陵郡奉祀節侯戴侯廟以四時及臘歲五祀置嗇夫佐吏各一人據此則章陵乃皇祖鉅鹿都尉回皇考南頓令欽墓而節侯墓在零陵明矣

春陵考侯仁康侯做墓 按後漢書城陽恭王傳建武十八

重修棗陽縣志

卷之十四

陵墓

五

年 考侯康侯廟比園陵置嗇夫則考侯康侯墓當在棗陽今皆不識其處

漢舞陰侯岑彭墓 在縣東北三十里兩河口宋張仲舉有

題墓詩康熙時知縣范維霖立碑識之 或疑彭棘陽人封

於舞陰其墓不應在棗陽考舞陰侯本傳侯歸漢後歷年征

討未之國亦未歸棘陽建武九年伐蜀被刺卒或其時葬棗

陽南陽府志內鄉縣西南亦有侯墓則較棗陽更遠矣

柳耆卿墓 在花山傍 按柳墓相傳在真州王阮亭尙書

真州詩有殘月曉風仙掌路何人爲弔柳屯田之句而曾達

臣獨醒志載者卿葬棗陽縣花山每歲清明詞人集其下爲
弔柳會則柳墓當不在真州也趙雲松觀察仙掌露詩云一
邱兩地各爭高只爲填詞絕世豪漢上有墳人弔柳漳南多
塚客疑曹金莖名竟移沙渚鐵板聲休唱浪淘我趁曉風殘
月到縱無魂在亦蕭騷是柳墓當在棗陽也乃舊志均未之
載何耶

明棗陽教諭方昇墓

在南門外有碑

昇江西人
見職官

明員外郎王觀墓

在縣南古城中

明監察御史王良璧墓

在縣東古城中誥命碑及翁仲猶

重修棗陽縣志

卷之十四

陵墓

六

存

袁成墓

在唐子山東五里地名帽盒山

太守袁盛墓

在帽盒山

侍御袁仕墓

在帽盒山

御史李端墓

在城東三里許地名量兵畝

郎中尙冕墓

在縣南三里

御史李邦用墓

在縣西三里

資縣教諭文進墓

在縣南文家嘴

清知縣劉佐明墓

在縣南雲臺山陰隨州界上

知縣史登雋墓 在縣南清潭東北里許

蔡陽鋪古墓 在蔡陽鋪東南平野中土壤隆起廣二畝許人初不知其爲墓也道光時農夫耕出石條異而掘之內極深省鄉之解事者卽令掩塞又烏金店張氏居宅旁嘗陷二塚或亦春陵宗室之墓歟

重修棗陽縣志

卷之十四

陵墓

七

坊表

楚襄屏翰坊在縣署譙樓前萬厯時知縣王應辰建崇禎時兵毀

國朝康熙十年知縣劉嗣煦重修復圮

登龍起鳳二坊在儒學門左右萬厯元年知縣王應辰建列邑八科第姓名今廢

崇德坊

文秀坊

折桂坊

重修棗陽縣志

卷之十四

坊表

八

步蟾坊

文魁坊

翹楚坊 以上莫詳所為立

秋官坊 為刑部郎中尙冕立

繡衣坊 明為御史李端袁仕李邦用立

經元坊 為知府袁盛立

進士坊五

為李端尙冕李邦用袁仕馬鑑立袁坊後改曰臺憲

昭璧坊

為舉人舒申立

鯤化坊

為舉人羅繹立

世科坊 為袁盛袁傳袁仕袁廷瑛立

忠諫坊 為進士王琰立

恩榮坊 為尚書王一鶚立

彤廷清秩坊 為序班葉桂立

節孝坊

重修棗陽縣志

卷之十四

坊表

寺觀

報恩寺 在小東門內建始莫考自宋已有之元末燬於兵明洪武二十八年至天順五年五次遞修始復舊規成化十年設僧會司於本寺教諭董伯圭有記

國朝乾隆丁酉僧慈海募貲重建年久摧頽道光二十六年僧復明募貲補葺其基址左右自北至南各長五十三丈五尺前後自東抵西各廣一十三丈五尺前至街後抵城趾東至城趾西至官地並張姓園地

洞陽觀 舊名元妙觀傳爲明初羽士丁道亨所創厥後頽重修稟陽縣志

卷之四

寺觀

十

圯成化時西江道士葉應元雲遊至此頗有道行歲旱疫祈禳多驗邑侯涂公命司道會應元謀諸邑人醵金重建

廣嗣庵 在城外東南隅內逼城壕外臨沙河高阜突起乾隆十一年大水城外居民相率奔避全活無算

準提庵 在南街今改爲柯公祠祠後高樓仍祀準提像

三官堂 在大東門內街北康熙十八年居民曾姓捐修有記

清涼寺 一在縣南四十里一在縣北三十里有市

椒山寺 在縣東北七十里宋延祐中建舊有梵宇九層今

廢

寶林寺

在縣東六十里明宣德中建

盧陂寺

在縣西七十里

資山寺

在縣東南七十里明洪武初建

潏源寺

在縣西南七十里元至正初建

甘泉寺

在縣東北八十里甘泉山上元至正初建

白水寺

在縣南四十里獅子山上鄉人建之以祀漢世祖

明宣德中僧真隆自蒲坂來改建梵宇以西偏屋數間祀世祖以正殿供佛

重修棗陽縣志

卷之志

寺觀

二

雞龍寺

在縣西北五十里

龍興寺

在治東北七十里五峯山陰與赤眉山相望明隆

慶元年建下臨幽谷前有飛龍潭潭在山腹水極甘冽寺東

有呂家寺已廢一在治西四十里有市

牛心寺

在治東北九十里牛心山南谷中喬木凌空泉流

縈繞澗水所從出也詳山水

華嚴寺

一在縣西十里一在縣南八十里一在縣北八十

里

崇興寺

一在縣西五十里一在縣東五十里

泉水寺 在縣北五十里珉山西坳南長水正源所出

吉祥寺 在縣北五十里一在南九十里昆水上

竹林寺 在縣東十里

茅岡寺 在縣北三十五里創自明成化年間寺前有大槐

樹寺僧挂巨鐘於枝歷久樹長鐘在樹腹鄉人鑿其旁擊之

淨山寺 在縣東五十里

大過寺 在縣東南八十里

普照寺 在縣西北五十里

泉橋寺 在縣南五十里

重修襄陽縣志

卷之四

寺觀

三

源興寺 在泊南九十里八萬山建始莫考

紅巖寺 在縣南五十里

彰孝寺 在縣南三十里

千佛寺 在縣北五十里紫玉山下今俗名喇嘛菴

黃村寺 在縣南四十里

玉石寺 在縣北五十里

觀音寺 一在縣西北四十里一在瓦子岡一在祝家岡

法華寺 在縣西北三十里

鐵佛寺 在縣西北七十里

雲峯寺 在縣西北十五里

丈八寺 在縣東北七十里

靈通寺 在縣南十里寶公欲峻道光甲申權縣事奉部文

改秀林書院有田地七百餘畝以作膏火畱百畝贍僧

戈河寺 在縣西五十里

蓮花寺 在縣北七十里

清風寺 在縣西七十里

大佛寺 在縣南九十里清潭鎮南里許康熙中里人劉佐

明罷石門令歸捐修

重修棗陽縣志

卷之四

寺觀

三

廣濟寺 在縣南九十里清潭鎮之西俗名唐家菴

千佛寺 今名迴龍寺一在縣西南四十里璩家灣

朝陽寺 在蘆陂堰

圓覺寺 在縣西六十里

彌陀寺 在縣西北五十里

天齊寺 在縣西北四十里

興陽寺 在縣西北四十里

通真觀 在縣東南三十里

泰山觀 在縣東北二十里

玉皇廟 在縣北七十里一唐家城一唐家店南九里岡

泰山廟 在縣北四十里

黑龍廟 在縣西四十里

白龍祠 在城南十五里道人周一興募修邑侯邱公有施

田碑記乾隆己卯大旱知縣甘定遇禱雨輒應因倡重修

雲臺觀 在治南一百二十里

玉泉寺 在治東五十里霸山荆自宋南渡時詳淳熙二年

開山僧智海塔碑元明以來廢興不一

國朝康熙時僧密慈修廢開荒增置田畝歷久住持不得其

重修

陽縣志

卷之六

寺觀

人廟產多被典售嘉慶初寺僧悠靜歸自都門乃出橐金廣
闢基址宏建梵宇崇飾法像大闡綱宗開期傳戒緇流雲集
又以積貲贖還故產其嗣法孫無格復能克紹祖印於是爲
叢林勝地

方外

漢

陰長生新野人漢光武皇后親屬也少好道採藥棗陽大阜山聞馬鳴生得度世之術往從學同時事鳴生者十二人未幾皆歸去惟長生執禮彌篤鳴生曰子真能得道矣乃與入青城山中煮黃土爲金示之授以太清神丹經丹成大作黃金十餘萬金以惠貧乏周行天下與妻子相隨一門皆壽後於平都山仙去

元

重修棗陽縣志

卷之十四

方外

五

王道士不知何許人住城內洞陽觀歲大旱王禱雨輒應偶一道人遠來王善禮之其人傲慢不羈日飲酒肆醉臥語言峻厲王敬禮如常一日王他出其人取酒瓮溺其中謂王弟子楊洞鉉曰感汝師意特以此酬王歸弟子具白其故視酒瓮異香撲鼻王取飲之明日頤旁生紫鬚長竟尺眼界空明恍若有悟因謂徒曰我將往尋前日師遂去不知所往後有人於深山中見王與道人同行飄飄非復前日云

明

葉道士名應元江西人也成化末至棗陽以洞陽觀地頗幽

靜遂寄迹焉飭身制行有異儔類歲時旱疫每祈禳輒有驗
宏治時知縣涂翀給以牒俾典道會久之謀新其觀邑人傾
貲以助不旬日而工竣

釋真隆號秀峯蒲坂人也參大乘山容公爲師修持靜正宣
德間雲游棗陽緇侶欽崇敦請乃住錫白水寺重建梵宇募
鐵鑄洪鐘鐫偈曰百鍊精金誠大器一聲喚醒夢中人後建
普同塏三工竣示寂

論曰方外之事儒者弗道煮土爲金之說更荒誕無稽舊傳
洞陽觀爲仙人寄跡則王道士師弟其人矣然所敬禮之師

重修棗陽縣志

卷之十四

方外

六

母論酗酒負氣難擬地仙卽所謂感意相酬鬚眉改觀者其
事亦嫌褻穢反不若謹身受牒猶爲不辱洞陽耳時方修輯
邑乘方外一門本擬從刪及閱至釋真隆卓錫白水寺因有
感焉夫世祖發祥實由白水真人之名時時見於他說嘗旁
稽書史尋繹東漢故事每見世祖同兄伯升起義兵於春陵
中興謨烈之顯比於高祖當年削平大難率從龍子弟衣袞
衣還故里結盃酒之餘歡應與大風同揆卽後之崇煥廟宇
赫聲濯靈當不可以尋常擬矣辛亥夏調任斯邑竊自欣幸
平日景仰之私一覩爲快視事之餘必向同人詢白水形勝

金身入夢度心西域遂令千百年後浸大浸熾併其先人寢廟亦爲所逼據而使退處於下風返諸事佛之初心應不料其一至於此而此邦人士與守土之官習不加察因循倒置不幾抱愧於心乎生唯唯回署後與同人言之因知縣署之西向有祠宇躬至其地見廟存木主週圍亦皆佛像而更易崇修基址尙可用也時以文廟大工未竣勢難並舉兩年來粵匪滋事籌餉孔亟文廟未竣之工不得不遲回有待興工動眾又何敢他爲馳騫哉茲值邑志纂成將以付梓方外仍照舊志編入並將白水廟宇顛末詳序於後以見卓錫白水重修襄陽縣志

卷之十四

方外

文

錯訛已久而尊崇前哲導揚正教余與搢紳學士皆不能辭責者耳咸豐三年七月下浣謹記